

支那

良溪禪師五口錄卷十

拈云我見雲門未免還他一棒良久云險又云千年  
田地八百王

女子出定

拈云雙雙瓦雀點點楊花無那東君一期春事當時  
曼殊室利身在其中



C40-4514


雲溪復亭挺禪師語錄卷之十

弟子 智異 編



C40  
4514  
(276)

B 64853



10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

標述

倒却門前刹竿着

拈云指東話西教壞人家男女從今力耕者半作賣花人飲光不得無過

產難

拈云可惜這傳語漢當時不消道個善哉善哉持鉢孟便行好個兒郎一時產下

茶喫麼

拈云洞山小心祇候要奉尊嚴爭奈他飲光當日下殿而走

國師三喚侍者  
拈云大小南陽辜負侍者不少何故心不負人面無慚色

丹霞見忠國師纔展坐具師云不用不用霞退後三步師云如是如是霞進前三步師云不是不是霞一匝而出

拈云有縱有奪識休識咎不愧一回相見然雖如此黃石公賴遇子房若是漢高不免遭他嫚罵

婆子燒庵

拈云這婆子俗氣不除死擬大人之作當時庵主早

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

辯來機未免呵呵大笑

南泉斬貓

拈云南泉未免孤危若不是趙州入來這死貓頭誰人着價要識趙州麼也只是頭戴草鞋漢

南泉問僧夜來好風一得一失

拈云誰得誰失且如兩庵王一般拳頭得失又在甚處譁識得王老師有其父必生其子

鹽官犀牛扇子

代侍者語云寒暑不時和尚早晚珍重

麻谷到章敬處作禮遶禪床三匝振錫而立章敬

道是是次至南泉處亦然泉云是不是谷云章敬道是和尚爲甚道不是泉云章敬卽是是汝不是此是風力所轉終成敗壞

拈云一擡一搊總之不是好心爭奈這漢倒用探竿弄出王老師一五一十且要問你水牯牛還敗壞麼智藏普請次云因果歷然爭奈何爭奈何有僧出以手托地藏云作什麼僧云相救相救藏云這個師僧猶較些子僧拂袖便走藏云師子身中虫自食師子肉

拈云好個師僧前兩度受地商於後一度辭田縣上

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

擬述

藏頭恁般惡口也知鳥盡弓藏

魯祖面壁

拈云不得南泉洎令無人着價有者道少林壁觀從上已然作恁般見解羞也不識

鄧隱峰辭馬祖祖云甚處去峰云石頭去祖云石頭路滑峰云竿木隨身逢場作戲便去纔到石頭遶禪床一匝振錫一下問是何宗旨頭云蒼天蒼天峰無語廻舉似馬祖祖云汝更去見他道蒼天汝便噓兩聲峰又去一依前問頭乃噓兩聲峰又無語歸舉似馬祖祖云向汝道石頭路滑

拈云隱峰鈍漢待石頭噓兩聲時也道個蒼天蒼天可不是現成句子

烏臼問僧近離甚處僧云定州臼云定州法道何似這裏僧云不別臼便打僧云棒頭有眼不得草草打人臼云今日打著一箇也又打僧便出臼云屈棒有人喫在僧云杓柄在和尚手裏臼云若要回與汝僧近前奪棒打臼三下臼云屈棒屈棒僧云有人喫在臼云草草打著個漢僧禮拜臼云却與麼去也僧大笑而出臼云消得濶麼拈云矮子只解看戲說賓主說互換說始終可曾摸

著他家鼻孔麼

陸亘大夫問南泉弟子家中一片石亦曾坐亦曾臥如今欲鐫作佛得麼泉云得大夫人云莫不得麼泉云不得不雲巖云坐卽佛不坐卽非佛洞山云不坐卽佛坐卽非佛

拈云南泉隨風倒舵雲巖洞山搖艤釘椿累他一片石鐫佛也不得不鐫佛也不得

百丈再參馬祖

拈云百丈木馬嘶風黃蘖泥牛吼月當時一喝震動虛空雪竇云大冶精金應無變色遭他後人檢點且

道雪竇還有過麼

百丈野狐

拈云前百丈後百丈一總是野狐精祇合同坑埋郤當時黃蘖多少希奇近前一掌有功者賞

鴻山摘茶次謂仰山云終日摘茶只聞子聲不見子形仰撼茶樹一下鴻云子只得其用不得其體仰云未審和尚如何鴻良久仰云和尚只得其體不得其用鴻云放子三十棒  
拈云父不父子不子留將話柄傳播諸方且道三十棒過在甚麼處

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

仰山與北庵主問訊瀉山直官客喫茶次瀉因指示官人云同叅古佛來王云百年後覓個舉這話也難得瀉云卽今作麼生王云結舌有分瀉云官人現在也道不得王云仰山不甘此對瀉云作個庵主也難得

拈云官馬相踢也沒來由累他仰山和那官人大家在草裏輒

仰山于耽源處得九十七圓相建立宗旨  
師打一圓相云看看是甚麼一僧出云一相中具三十二相太玄三倍法也不爲奇又一僧出云九十六

種外道各具一相連他黃面瞿曇也出這圈子不得  
師云似則也似是則未是且去明日商量

臨濟從大愚歸乃與黃蘖一掌蘖云這風顛漢來  
這裏捺虎鬚仰山云非但捺虎鬚亦解坐虎頭  
拈云說甚麼虎鬚虎頭當時也是騎虎之勢黃蘖黃  
蘖得人一牛還人一馬

臨濟陞堂有僧出濟便喝僧亦喝便拜濟便打或  
見僧來乃豎起拂子僧禮拜濟便打或云謝和尚  
指示或時僧不顧濟並打或問僧甚處來僧纔答  
話濟遂拈棒僧擬議便打

拈云先照先用同時不同時些小家私盡情演出莫有個旁不肯底麼一總喚來喫棒

保壽打胡釘鎗後到趙州舉前話有省

拈云保壽雖則孫承祖業未免依樣葫蘆胡釘鎗終是死漢若解知恩報恩打趙州有分在

三聖逢人卽出興化逢人卽不出

拈云伍胥滅楚包胥存楚兩人功業卽不無當時也只爭了一分意氣

三聖問雪峰透網金鱗以何爲食

拈云三聖也是一員戰將爭奈這老賊何于此不明

說甚逢強卽弱

興化擯克賓

拈云興化徒讀父書羞說將家之子當時充賓眼睜睜地大笑出門

藥山久不陞堂因院主請乃云經有經師論有論師怎怪得

拈云老漢賣乖賴有後語不然幾被他禪林中商量道藥山是明威音那邊

雲巖擔糞次藥山問作甚麼巖云擔糞山云那個聲巖云在山云汝來去爲誰巖云替他東西山云

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

何不教伊金行巖云和尚莫誇他山云不合與麼  
道巖云如何道山云還會擔麼  
拈云雙雙燕子作諳梁間只莫向佛頭病屎

藥山晚參云我有一句子待特牛生兒卽向你道  
時有僧出云特牛生兒也祇是和尚不道山喚侍  
者將燈來僧便抽身入衆

拈云我當時作藥山從衆中覓這僧來棒了赶出任  
伊甘與不甘儘教按牛頭喫草

丹霞燒木佛

拈云木佛放光賴他丹霞一把火院主若解拍手呵

呵那時鬚眉合自天然墮落  
雲巖問百丈每日區區爲阿誰丈云有一人要巖  
云因甚不教伊自作丈云他無家活

拈云百丈當時也解奉重一路豈獨洞山門下不犯  
當頭

鴻山問雲巖汝在藥山是否巖云是鴻云藥山大  
人相作麼生巖云涅槃後有鴻云如何是涅槃後  
有巖云水灑不著巖郤問鴻未審百丈大人相如  
何鴻云蚊子上鋟牛無你下口處

拈云陳長文問陸士衡云陸抗陸遜是君家何如人

陸云亦猶君於陳實陳紀此意何如  
道吾遍身是手眼雲巖通身是手眼

拈云暮四朝三不免賦亭之智兩個漢一回起倒難  
爲旁觀

夾山見船子

拈云波迴浪轉盡底掀翻且道船子臨行是明甚麼  
邊事人人盡欲出常流曾夢見麼

李翹參藥山

拈云李翹鈍漢總饒向指天指淨瓶處相見已錯過  
藥山了也待他矢上加尖堪作甚麼若是當時便出

呼喚不回豈不天然貴裔

石霜首座明一色邊事九峰云坐脫立亡則不無  
先師意未夢見在

拈云坐斷白雲爭免遭人檢點雖然如此首座不解  
轉位九峰不解轉功要且先師意一總未夢見在

僧問石霜萬戶俱閉時如何霜云堂中事作麼生

僧經半年方始道得云無人接渠霜云道也太煞  
道祇道得八成雲蓋聞郤禮請石霜爲道霜云無

人識渠蓋于言下有醒

拈云金鞭夜靜不覩堯顏必若夷王下堂說甚天威

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

咫尺雲葢鈍漢鷄子過新羅

三平陞座有一道士從東過西又一僧從西過東  
平云道士郤有見處師僧未在士禮謝便打僧作  
禮亦打復謂衆云公案作麼生斷有人斷得麼三  
問無對乃云旣無人斷得老僧爲斷去也擲拄杖  
歸方丈

拈云雖然弄死蛇漢賴得後邊胡亂一上與趙州兩  
庵主各自分科且道趙州的是三平的是

韓文公問大顥云弟子軍中事多省要處乞師一  
句顥良久公罔措時三平爲侍者乃敲禪床三下

顥云作麼平云先以定動後以智拔公乃禮謝三  
平云和尚門風高峻弟子於侍者邊得個入處  
拈云韓吏部聰明一世懵懂一時被侍者進了一服  
毒藥也不辨得

洞山請泰首座喫菓子隨後一喝掇退菓桌

拈云過在動用處首座也解火上栽蓮喝一喝掇退  
菓桌威音不薦再問彌勒

洞山云直道本來無一物也未消得他衣鉢合下  
得一語有僧下九十六轉語不悞山意未後一轉  
始契旁一僧不聞未後遂請益其僧三年終不與

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

插述

卷一

舉後疾次僧持刀逼云若不舉殺上座去也僧悚然爲舉乃云直饒將來亦無處著

拈云雪竇道將來底瞎天童道不受的瞎畢竟如何

且道無手人行拳無舌人解語還免得麼瞎瞎

僧在延壽堂不安要見洞山山至僧云和尚何不救取人家男女山云你是甚麼人家男女僧云大

闡提人家男女

拈云圓悟道闡提男女四山相逼時手脚忙亂錯錯殊不知這僧深解個回互法門臨行逗漏一上粟畚裏去快便難逢

洞山示衆云有一人在千人萬人中不背一人不向一人你道此人具何面目雲居出云某甲參堂去

別雲居語云和尚莫要見此人麼

僧問洞山如何是鳥道山云不逢一人如何行山云直須步下無私去祇如行鳥道莫便是本來面目否山云因甚認奴作郎如何是本來面目山云不行鳥道

拈云寶殿重重鳳無依倚饒你花飛九月木秀三冬尚隔他三十里在

洞山問雪峰甚處來峰云斫槽來洞云幾斧斫成  
峰云一斧斫成洞云猶是這邊事那邊事作麼生  
峰云直得無下手處洞云猶是這邊事那邊事作  
麼生峰休去

拈云洞山飛電閃晴空雪峰擔雲入巖壑雖則作家  
這裏還欠一著

雪峰辭洞山山問甚處去峰云歸嶺中去

拈云要開火裏蓮花須向鋒刃邊作些活計雪峰當  
日也只放下鑊頭

巖頭一手擡一手搗

拈云一手搗一手擡赤土些些塗他牛跡可笑巖公  
當日被洞山一拶賣弄有家私

南泉云天上無彌勒地下無彌勒洞山舉問雲居  
居云誰與安名洞山被問禪床振動乃云吾在雲  
巖曾問老人直得火爐振動今日被子一問通身  
汗流

拈云大小洞山被雲居一劄果然吐露不得

西園燒浴僧舉似曹山山云一等拍手拊掌就中  
西園奇怪俱暎一指頭禪蓋爲承當處不諦

拈云俱暎字臨頭無端受屈且道一指一掌畢竟

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1

諦訛在甚處聾又云雲巖豎起掃箒與這撫掌三下還有同異也無於此不明全被曹山瞞却

香巖枯木龍吟髑髏眼睛石霜云猶帶喜在猶帶識在曹山云血脉不斷又云乾不盡圓悟云一人透語滲漏一人透情滲漏一人透見滲漏

拈云古人不是步步爭高也要明他功位但轉的頭腦且三種滲漏如此批判還當他古人意麼圓悟父子十分聰明按牛頭喫草

僧問曹山承聞洞山道一老一不老如何是一老山云不扶持如何是一不老山云枯木僧舉似道

遙忠忠云三從六義

拈云我卽不然有人問如何是一老一不老向他道投子道底投子道甚麼丫角女子白頭絲

僧問曹山王殿苔生意旨如何山云不居正位拈云南泉牽犁曹山拽耙說奉說輔露布去也

曹山法身偈

拈云還是法身還是法身向上聾說我說渠未免陳年古董

僧問雲居如何是諸佛師居喝云這田庫奴僧禮拜居云你作麼生會僧喝云這老和尚居云元來

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

不會僧作舞而出居云沿臺盤乞兒

拈云雲居腦後見腮當門缺齒算來不是好人這僧作舞而歸果然唱蓮花落也

雲居何必興化不必

拈云二十年前陳倉暗度二十年後棧道明修雲居雖則使盡機關爭奈興化善能指鹿爲馬

龍牙問德山學人杖鎮鉤取師頭時如何山引頸近前云圓牙云頭落也山呵呵大笑洞山聞舉乃云德山道甚麼牙云山無語洞云莫道無語且將德山落的頭呈似老僧看牙方省餓謝後有僧舉

似德山山云洞山老人不識好惡這漢死了多少時救得有甚用處

拈云一箇笑面虎耑打些野食喫被他山神土地點破奈何奈何雖然如此龍牙且解踞虎頭但不曾收得虎尾

疎山造塔

拈云不撞啞鐘爭知斷竹將錯就錯儘教支吾說甚龜毛數丈臘月蓮花轉是畫蛇添足

洛浦見夾山山云爭教無舌人解語

拈云雪竇云我當時若作洛浦提坐具便撼雲溪卽

不然當時待夾山舉一絡索進云譚而不譚果然奇特他有後語拍手便行多少是好

華嚴和尚上堂廓侍者出禮拜起便喝嚴亦喝廓又喝嚴亦喝廓禮拜曰老漢一場敗缺復喝一喝歸衆嚴下座歸方丈時風穴爲維那上去問訊嚴曰維那汝來也叵耐守廓把老僧扭捏一上待集衆打趨穴曰他是濟下兒孫本分恁麼嚴休去穴舉似廓廓曰着甚來由

拈云守廓侍者慣逞鋒鎗華嚴和尚善施韜畧一期賓主首尾分明維那汝來也口喃喃地撒泥撒沙意

在雙鶻一箭這漢傳言送語渾水裏洗不清

德山托鉢

拈云低頭歸方丈是他巖頭識破機關轟起青天霹靂次早陞堂尋常有別莫是巖頭智過于師麼三年後德山不示寂又且奈何蒼天蒼天同條生不與他同條死

廓侍者問德山從上諸聖向甚麼處去山云作麼作麼者云勃點飛龍馬跛鰲出頭來山休去明日去浴出者過茶與山山撫背一下云昨日公案作麼生者云這老漢今日方始瞥地

拈云德山瞌睡大蟲咬人慣不露齒廓侍者雖則爭先處強原來蝦跳出斗幾多人到此被伊熱瞞

婆生七子

拈云巖頭渡船辛苦草草底打著一箇臭老婆枯楊生花亦可醜也婆生七子六箇不遇知音扈三娘善逞風流當時覩公只是船稍把住

欽山去看巖頭住庵人事了問師兄在此住持二時粥飯作麼生巖云每日受張四郎供養極是難消山云他日去他家作男作女巖以手作拳安頭上山云與麼則向頂額上生去也巖便喝山又云

何如生取文遠去巖又喝云我見你二三十年鼓兩片皮直至如今猶作這個去就便喝出張四郎却共歸宅山乃垂淚云三十年同行有佛法不向文遠道至半夜去敲門巖云這偷兒鬼去山云師兄師兄有佛法不向文遠道且乞師兄慈悲巖便開門爲他說細大法門方得安樂

拈云且道巖頭向欽山說個什麼法門欽山纔得安樂推聾瘡啞不是好心當日巖頭雪峰盡力扶起個末後句欽山是他同參也來共出一隻手諸仁者要做巖頭卽易要做雪峰欽山卽難莫辜負好

德山侍者參欽山纔禮拜欽把住云還甘欽山典  
麼也無者云某甲却悔久住德山今日無言可對  
欽放却云一任你祇對者撥開脣云且聽某通氣  
一上欽云德山門下卽得這裏一點也用不着者  
云久委欽山不通人情欽云累他德山眼目參堂  
去

拈云畢竟洞山德山是何優劣欽山欽山大類單于  
虐漢使者畢竟節旄不落奈子卿何

鼓山聖箭

拈云托鉢一回祖禰不了當時雪峰懸羊頭賣狗肉

惹他孚上座虛空挖縫好肉做瘡落得鼓山豎子成  
名一場笑其老凍儂老凍儂溺愛者不明貪得者無  
厭

雪峰參烏石及住後示衆云我當時若入得老觀  
門你這一墜墮酒糟漢向甚處摸索

拈云大好鳳凰兒當時入不得老觀門也罷了如今  
莫是還出他的門不得麼這裏作麼生摸索

僧問石霜咫尺之間爲甚麼不覩師顏霜云徧界  
林不曾藏僧後問雪峰徧界不曾藏意旨如何峰云  
甚麼處不是石霜僧回舉似霜霜云這老漢著甚

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

換述

麼死急洞山云笑殺土地

拈云雪峰雪上加霜石霜日中逃影洞山撫掌笑殺  
旁觀忽有人問爲甚不暗師顏瞎瞎

雪峰鼈鼻蛇長慶喪身失命玄沙用南山作麼雲  
門拄杖作怕勢

拈云一夥弄蛇漢總只隨邪逐惡若是個衲子何不  
向雪峰頭上病

雪峰望趙州作禮從此不答話

拈云雪峰不答話最占便宜趙州古佛被他一杓水  
潑了也雪竇謂斬釘截鍊就下平高不勞重舉

雪峰在僧堂內燒火閉却前後門乃叫救火玄沙  
將一片柴從窓櫺外拋入峰便開門

拈云抱薪救火不是好心當時不合放過

貞溪因僧到乃壹拂子云貞溪老漢還具眼麼僧  
云某甲不敢見人過溪云老僧死在閻黎手裏僧  
以手指脣便出去溪云閻黎參見先師來至晚請  
喫茶了僧拈起盞云這個是諸佛出世邊事作麼  
生是未出世邊事溪撥却盞云閻黎死在老僧手  
裏僧云五里牌在郭門外溪云無故惑亂師僧僧  
遂起謝茶溪云特謝閻黎相訪

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

校

傳  
金言

卷一

中華書局影印

拈云雖則主賓酬酌不免是個優孟衣冠

僧問曹山諸佛未出世時如何山云曹山不如出世後如何山云不如曹山天童云主賓互換萬松

云王賓和合

拈云說互換也由你說和合也由你只如道自携瓶去酤村酒却著衫來作主人是和合是互換濟諸人若向他兩頭著倒辜負古人

乾峰上堂法身有三種病一種光一一透得始是好手須知臨時更有一竅在雲門出衆云庵內人爲甚不見庵外事峰呵呵大笑門云猶是學人疑

處峰云子是甚麼心行門云也要和尚相委悉峰

云與麼始得穩坐門應諾諾

拈云普州人相見自解作活當時淨裸裸一個法身被這些阿師恁般擡恁般擗且問你炙鑪左膊還醫得法身病麼

乾峰舉一不得舉二明日不得普請

拈云蒼天蒼天且道節拍在甚麼處

僧問十方薄伽梵一路涅槃門乾峰拄杖畫一畫雲門扇子跨跳愚庵老人云一箇太簡一箇太奢我則不然乃操吳音作吳歌一拍

拈云乾峰畫地爲牢商鞅徙木雲門說玄說妙驄衍譚天愚庵老漢唱綿州巴歌未免誑惑人家男女我則不然如何是涅槃門啞

僧問雲門如何是法身向上事門云向上與汝道卽不難作麼生會法身僧云請和尚鑒門云鑒卽且置作麼生會法身僧云與麼與麼門云這個是長連床上學得的我且問汝法身還解喫飯麼僧無對

拈云要知北斗南看且待木人起舞可憐螳臂怒以當車

雲門至僧堂中僧爭起迎門立而語曰石頭道回互不回互僧便問作麼生是不回互門以手指云這個是板頭又問作麼生是回互門云汝喚什麼作板頭

拈云祖翁一片閒田地四至分明盡行出賣了也天皇恁麼龍潭恁麼不敎辜負來

雲門體露金風

拈云問一得三聞詩聞禮又聞君子之遠其子也你若不信去問巴陵

玄沙三種病人

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

標述

拈云這老漢自投降欸

玄沙白紗

拈云玄沙偶達空函也是一時詮誤山頭老漢不合  
佛法相見惹他口開父子之間未免遭人檢點  
保福問羅山有人問巖頭浩浩塵中如何辨王頭  
云銅鈸鑼裏滿盛油意作麼生羅召大師福應諾  
羅云獮猴入道場羅却問明招忽有人問你作麼  
生招云箭穿紅日影

拈云敲起巖頭銅鑼牽出羅山猴子大似天津橋上  
不妨好看一回却被明招一箭射翻大家慄懾有者

道瓜州賣瓜有者道普州送賊那一語最諦當聾

羅山侍巖頭遊山次忽喚和尚頭云作麼山乃近  
前作禮問和尚豈不是三十年前在洞山又不肯  
洞山頭云是山云和尚豈不是法嗣德山又不肯  
德山頭云是山云不肯德山卽不問只如洞山有  
甚麼虧缺頭良久云洞山好佛只是無光山便作  
禮

拈云巖頭巖頭被他羅山勘破了也洞山古佛只是  
無光錯會者不少

瑞巖主人公語僧舉似玄沙沙云而今還喚得應

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

機  
述

傳  
神  
經  
金  
鑑

卷  
十一

十一

麼僧無對

代僧語云劄

法眼問修山王毫釐有差天地懸隔兄作麼生會  
主云毫釐有差天地懸隔眼云與麼又爭得主云  
某甲只與麼未審和尚作麼生眼云毫釐有差天  
地懸隔王便禮拜

拈云畢竟爭差在甚麼處若人辨得携雲換月有多  
少難

法眼因子方上座自長慶來乃舉長慶偈問作麼  
生是萬象之中獨露身方遂舉拂子眼云恁麼會  
撥不撥方豁然有省

拈云金博金水洗水子方恁般悟去爭免個知解宗  
徒

深明二上座到淮河見鯉魚透出

拈云深上座相覩太急也是無端明兄明兄待他道  
個欠悟在郤呵呵大笑起來多少是好

智門遊山回首座與衆出接座云和尚遊山不易  
門拈拄杖云全得他力座進前奪却拋向一邊門

放身便倒大衆進前扶起門拈拄杖一時趁散回  
顧侍者向你道全得這個力  
拈云趁散大衆不奈船何侍者若解弄一上但向道  
情知情知這老漢一場慘懼

僧問法燈如何是先師不了的公案燈拈拄杖打  
云祖禰不了殃及兒孫僧云過在甚麼處燈云過  
在我殃及你

拈云過在甚麼處再與一棒多少風流卻順口道個  
過在我殃及你漏泄了也雖然如此承言者多

宋太宗因僧朝見問卿是甚處僧僧云廬山臥雲

庵帝曰臥雲深處不朝天爲甚到此雪竇顯代云  
別云一采紅雲捧玉皇謝陛下降尊相見

雪竇問新到閻黎甚處人僧提起坐且竇云蝦跳  
不出斗僧云跨跳竇使打僧云更跨跳竇又打僧  
便走竇喚回僧作禮云觸忤和尚竇云我要這話  
行你又走作甚麼僧云已徧天下了也竇復打五  
棒僧云有諸方在竇云你只管喫棒又喚第二位  
的近前來問甚處人僧云鼎州人竇云敗也僧云  
青天白日竇云兩重公案僧云恰是竇以拄杖指

云你擬跨跳僧擬議寶亦打五棒參頭云這僧喫  
棒與某甲不同實一時喚近前僧珍重便走寶隨  
後與一拄杖

拈云只待鯨吞海水露出珊瑚說甚火炎崑崙玉石  
俱盡驕拈拄杖喝一喝云老僧令行也顯禪師顯禪  
師切須迴避

僧問同安不如何是和尚家風安云金鷄抱卯歸  
霄漢玉兔懷胎向紫微忽遇客來將何抵待安云  
金果朝來猿摘去玉花晚後鳳啣歸

拈云忽有人問如何是和尚家風向道住持千嶂月

衣鉢一溪雲客來將何抵待向道鉢裏飯桶裏水奈  
正偏回互何瞎漢作恁般語話

僧問雲居簡孤峰獨宿時如何居云閒却七間僧  
房不宿阿誰教汝孤峰獨宿

拈云莫守寒巖白雲不妙雲居尋常說話的的提綱  
等待商量千里萬里

同安不將示寂上堂云多子壇前宗子秀五老峰  
前事若何三舉莫有對者同安志出曰夜明簾外  
排班立萬里謌謡道太平丕云須是這驪漢始得  
拈云退位朝君他人也儘辯得若違時失節又不堪

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

也直教放馬歸牛正好當依而立

僧問梁山觀家賊難防觀下禪牀把住云莫教濕  
卻袈裟角

拈云言中有響句裏藏鋒莫教打濕袈裟西望青牛  
關尹不復相見

太陽玄問梁山如何是無相道場梁指觀音云此  
是吳處士畫玄擬進語梁急索云這個是有相的  
那個是無相的玄於言下領悟作禮却依本位立  
梁云何不道取一句來玄云道卽不辭恐難上紙  
筆

拈云倪雲林山水全是白描好幅吳道子觀音直教  
放將搵橙堆裏

太陽問僧甚處來云洪山陽云先師在麼曰在陽  
曰請渠出來相見僧曰聲陽曰這個猶是侍者僧  
無對陽曰喫茶去

拈云陸羽閒情劉伶舊態者僧分上也是醉後添杯  
且道太陽喫茶去還是趙州喫茶去還是保福喫茶  
去

芙蓉參投子問祖師言句如家常茶飯此外別有  
爲人處麼子曰寰中天子還假堯舜禹湯也無荅

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

擬進語子以拂子薦口撼曰汝發意來早有三十  
棒也荅忽開悟禮拜便行子曰且來閣黎荅不顧  
子曰汝到不疑之地耶荅掩耳而去

拈云天然貴胤直捷承當且來閣黎要與伊轉位相  
見掩耳而去被他旁人道莫炭庫裏藏身  
興陽因僧問婆竭出海乾坤震覲面相呈事若何  
陽曰金翅鳥王當宇宙個中誰是出頭人曰忽遇  
出頭時如何陽曰似鶴提鳩君不信御樓前驗始  
知真曰恁麼則丈手當眉退身三步也陽曰須彌  
座下烏龜子莫待重教點額痕

拈云肯詰不得全興陽一棒到底幻寄云剖公著賊  
果然庶

佛日到夾山山曰甚處來曰雲居來卽今在甚麼  
處日在夾山頂嶺上山曰老僧行年在坎五鬼臨  
身

拈云理應箭鋒還他好手時人不審卻謂絲來線去  
全弄精魂

僧問芙蓉師唱誰家曲荅云金鳳夜棲無影樹峯  
巒纔露海雲遮

拈云有人問我師唱誰家曲向道千年丹井仙人筭

一宿風帆處士梅且道與芙蓉是同是別  
寶峰上堂舟橫江渚棹舉清波擬議之間白雲萬  
里

拈云饒你十分成現也是子規聲裏一夜啼痕要說  
他金殿清風也太遠在

自得暉入天童室童舉堪嗟去日顏如玉却嘆回  
時鬢似霜語詰之暉云其入離其出微

拈云不是孫登難爲阮籍

長蘆歇上堂轉功就位是向去的人玉蘊荆山貴  
轉位就功是郤來的人紅爐片雪春功位俱轉通

身不滯撒手無依石女夜登機密室無人掃

拈云齊彰齊隱只俱轉二字盡之矣畢竟是三句是  
四句轉功屬第三位轉位屬第四位直至俱轉這  
方是第五位那邊更那邊切忌坐著

道吾真示衆舉洞山云五臺山上雲蒸飯佛殿塔  
前狗屎天幡竿頭上煎餃子三個胡孫夜簞錢老  
僧卽不然三面狸奴脚踏月兩頭白拈手擎烟戴  
冠碧兔立庭柏脫殼烏龜飛上天且道諦訛在甚  
麼處

拈云上大人收拾起如何若何趙錢孫李

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

南院陞座云諸方只具啐啄同時眼不具啐啄同時用有僧問如何是啐啄同時用院云作家不啐啄啐啄同時失僧云此猶未是某甲問處院云汝問作麼生僧云失院乃打僧不肯後於雲門會下聞二僧舉此話一僧云當時南院棒折那僧忽然契悟廻觀院值院遷化乃謁風穴穴云莫是當時間啐啄話的麼僧云是穴云汝當時作麼生僧云當時如在燈影裏行穴云汝會也

拈云風穴若是個漢待這僧來時正好棒了趕出不見道啐啄同時失麼

僧問風穴語嘿涉離微如何通不犯穴云常憶江南三月裏鵝鴨啼處百摩香

拈云從來萬象一句明該鵝鴨啼處識取玄門九月菊花不爲分外有者道人境俱不奪詳哉言之孟八郎孟八郎莫赴口快

汾陽十智同真

拈云汾陽沙裏尋油將一箇料揀門庭弄得花五花六葛舉拳云要辯這一絡索麼向這裏會取湧潭因僧禮拜起垂下袈裟角僧問云脫衣卸甲時如何潭云喜得狠烟息弓彌壁上懸僧卻攬袈

9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

裴云重整衣甲時如何潭云不到烏江畔知君未肯休僧便喝潭云驚殺我僧拍一拍潭云也是死中得活僧禮拜潭云將謂是收燕破趙之才元來只是販私鹽漢

拈云河曲交綏要且兩無勝負初禮拜終禮拜節制井然末後火攻徒然下策

黃山谷聞桂花香薦得無隱之青

拈云山谷鬚眉丈夫被晦堂向眼睛鼻頭裏著些搣若不遇死心點破將祇認個驢前馬後的爲作自己豈不錯斷送了一生

三佛侍五祖至夜深祖云各下一語鑑云彩鳳舞丹霄眼云鍛蛇橫古路果云看脚下祖云滅吾宗者克勤也

拈云五祖眉毛長多少我當時且不然鍛蛇彩鳳明忿下安排勤巴子脚跟不清放汝三十棒

五祖因僧問如何是佛祖云露胸跣足如何是法祖云大赦不原如何是僧祖云釣魚船上謝三郎大慧云一轉語下具有王賓玄要洞山五位雲門三句無量妙義

拈云我卽不然如何是佛東土西天只一概如何是

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

法三六九尺一丈八如何是僧多年枯木老成精說甚洞山雲門玄要主賓可不羞死

大慧舉竹籃子問德光光云杜撰長老如麻似粟慧云你是第幾個光云今日捉敗這老賊

拈云欺敵者亡

張無盡見玉泉皓舉事大士空手把鋤頭頌皓云祇頌得法身邊事頌不得法身向上事盡云請和尚頌皓乃頌葡萄棚

拈云這沒鼻孔阿師將一箇法身弄得簇花簇錦累他無盡瞎漢向葡萄棚下坐破蒲團坐到彌勒下生

有甚麼限諸仁者惺惺著幸自可憐生

張子韶參大慧論格物義慧云居士只知格物不知物格士茫然慧大笑士云能開喻乎慧舉小說唐人有與安祿山對者曾爲閬州守畫像存焉明皇幸蜀見之怒令侍臣以劍斬其像其人在陝頭忽墮地公頓領深旨遂投偈云子韶格物妙喜物格欲識一貫兩個五百慧印可拈云閬州一劍直令子韶頓落妙喜固是好手畢竟格物物格是甚爭差試縮素看易分雪裏粉難辨黑中煤乃哈哈大笑

9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

高峯無夢無想主人公

拈云高峯若不向枕子墮地一回幾乎認奴作郎畢生不了諸仁者還我無夢無想主人公來  
朱晦庵問天童滅如何是母不敬滅父手示之拈云紫陽慕道而來未免遭他鈍置我當時若見但作女人拜看這老漢何等面皮

雪巖上堂寒風凜冽遙空下雪非但紅爐燄上莫覓踪由逗入蘆花深處猶難辨別到這裏十箇有五雙盡道明一色邊事殊不知正是空中花眼中屑天寒人寒巡堂喫茶

拈云一色若消方名尊貴重重指註也太無端天寒人寒誰耐煩要喫茶

僧問天童珏如何是道珏云十字街頭休研額拈云前不巴村後不迭店

天童淨上堂云陸修淨陶淵明文殊普賢一欵具呈且道憑誰批判若是孔夫子吾無隱乎爾

拈云千他古人甚事未免喚來應個時節有者道儒佛一致禪淨全歸打斷你驢春

天童淨上堂云一個烏梅是本形蜘蛛結網打蜻蜓蜻蜓落了兩片翼堪笑烏梅咬鍛釘鹿門覺失

9 10 11 12 13 14 15 16 17 18 19 20

笑曰早知燈是火

拈云此四句語却明個賓王句且道那句是賓那句  
是王若人辨得要會他鹿門悟處也不難

鹿門示衆盡大地是學人一卷經盡乾坤是學人  
一隻眼青州問如何是盡乾坤一隻眼門云汝被  
一卷經遮却也州擬對門搖手云不快漆桶州於  
是得旨

拈云有僧道我會也我會也和聲便打云這漆桶恁  
般會去直須看透牛皮

青州因大明寶問離四句絕百非請師直指西來

意州云昨日有人恁麼問被打出去也明云今日  
又如何州云你得恁般不識痛痒明禮拜州云可  
惜許棒折也明直得汗下

拈云青州被大明兩問直得在冰稜上走馬刀山劍  
樹裏翻身當時禮拜不是好心棒雖折令行也火爐  
震動通身汗流冷灰裏一粒荳爆

青州問善財童子至妙高峯覓德雲比丘不得後  
於別峯相見且道是德雲否慈雲答相識滿天下  
知心有幾人

拈云別峯相見十劫垂成說正說偏不勞重舉且道

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

慈雲答話還在他古人分中還在他時人分中  
王山體云既有尊貴的位當明尊貴的人須知尊  
貴之人不處尊貴之位

拈云千門宮殿鎖春寒玉漏沉沉夜將半正恁麼時  
要見他至尊也太遠在咄禮拜了退罷

雪巖滿初參普照照云兄弟年俊正宜叩參老僧  
當年念念常以佛法爲事滿避席進云和尚而今  
如何也滿云如生寃家照云若不得此語幾乎枉  
行千里照下禪床握手云作家那

拈云普照普照被他雪巖看破了諸方只解說啐啄

同時昧却宗門一隻眼

雪巖造王山問洞山於暗影處悟雲巖祇這是臨  
濟於徹困處悟黃蘖無多子及乎出世爲人立甚  
正偏君臣玄要人境無乃反惑亂人乎山笑曰旣  
云徹悟爲人何得自生惑亂古人謂不疑言句是  
爲大病今子疑則病發矣還知病卽藥麼巖一日  
閱兼到頌曰折合終歸炭裏坐忽然契悟曰今日  
方知病卽藥也呈解於山山曰料棹沒交涉巖曰  
這回瞞我不得也

拈云山堂淳謂平懷常實明明炭裏藏身是病句是

藥句若向他雪巖悟處見得分明方信烏焉成馬這裏還容折合麼直饒你正偏玄要縷析條分折合將來不免藏身炭庫沒交涉沒交涉還我轉身句來圓通問德山是佛祖兒孫爲甚麼佛來也打祖來也打萬松云不敢怠慢通問臨濟是佛祖苗裔爲甚麼佛來也喝祖來也喝萬松云祇爲佛來祖來別前語云血濺梵天別後語云因齋慶讚忽有人出拈起一棒喝散大衆也未許他是德山臨濟見孫來來尚須勘過

萬松示衆機輪轉處智眼猶迷寶鏡空時纖塵不

度開拳不落地應物善知時兩刃相逢如何廻避拈云須知照膽秦宮未是機絲妙密直得碧油風冷五袴塗蘇神用莫儻始號化生一位也還辨得麼

萬松示衆動則埋身千丈不動則當處生苗直須兩頭撒開中間放下更買草鞋行脚始得

拈云文殊普賢趕出水牯牛隊裏去也觀世音菩薩

買得個饅頭盛在碟子裏碗子七塊是麼是麼

萬松問僧洞山道龍吟枯木異響難聞如何是異

響僧云不會松云善解龍吟

拈云萬松只圖公案圓成遇着個噇糟酒的阿師把

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

指述

卷之三

三

個大帽子和頭一套且道龍吟枯木畢竟誰人得聞  
喚取東村王大來歎歎問取時有僧出云曹山血脉  
不斷又作麼生師打一拂云非公境界  
萬松因僧問撒手那邊的人爲什麼不居正位松  
云大功不宰曰回頭這畔的人爲什麼不墮偏方  
松云至化無爲

拈云有人問我撒手那邊爲什麼不居正位向他道  
南嶽遊山回頭者畔爲什麼不墮偏方向他道天台  
普請爭奈宗旨何這漢逐塊去也

雪庭因僧問如何是尊貴一路庭云漁歌驚起沙

汀鷺飛出蘆花不見蹤

拈云八角磨盤空裏走幾多人會做一色全超

林泉承旨燒道藏僞經以火炬打圓相云只如三  
洞靈文還能證此火光三昧麼於斯會得家有北  
斗經枉教人口不安寧其或未然灰飛烟滅後任  
教到處覓天尊急著眼看

拈云一夥道士被他活埋我當時若在待伊正舉火  
炬時仗一把劍噴一口水向道急急如律令勑看此  
輩老凍僵向何處安身

靈隱泰上堂云壓劫來事不離這裏河沙妙德總

9 10 11 12 13 14 15 16 17 18 19 20

傳述

有爲而無言錄卷一

在心源試教伊覲面相呈便不解當風拈出且道  
過在甚麼處卓拄杖云祇爲分明極翻令所得遲  
拈云如今要覓個百不知百不會的也最難水牯牛  
眼光灼灼照破了三世如來試拈出看

僧問寶應遇如何是西來的大意應云風送泉  
聲來枕畔月移花影到窓前

拈云和尚何得以境示人有者道明明白草頭明明  
祖師意還會夢見他寶應麼

雪軒成上堂白雲萬里卷舒劫外直機紅葉千峰  
燦爛個中妙旨入滅舍利無筭

拈云土窟裏收些榦董八萬四千舍利也不爲多卷  
舒劫外燦爛個中還是身裏門門裏身鑿當時金鎖  
玄關曾透却也未

松庭嚴於寶鏡三昧契入常作力田偈曰畫拈塊  
石驅山鳥曉坐巢庵逐野豚腸斷秋風頻擊折目  
窺夜月更消魂

拈云種田喫飯也只尋常且道山鳥野豚秋風夜月  
與他寶鏡三昧有甚干連你諸人試揀點看

少室改臨沒偈云吾年八十七出夕復入夕遂坐  
脫

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

拈云自由自在且置你道這老漢恁般去了還恁般來麼

僧問嵩山斌如何是空劫已前事斌云烏龜向火  
拈云畢竟是劫前語劫後語正偏明暗玄要王賓不消這一句子

嵩山載示衆西來直指九鼎單絲汝等諸人打辦  
個事直須努力

拈云若有人由身禮拜一節在口上五年尔見記嵩  
山

定國從因看天衣寔上座因緣遂悟五位宗旨

拈云一位聾五位聾有者道本無言說不涉程途五  
位功勲又明恁麼邊事瞌睡漢說卽儘說行卽儘行  
且道五位功勲是程途是言說

宗鏡書臨沒偈云宗鏡宗鏡鏡破宗正擲筆坐化  
拈云打破鏡來與汝相見莫同一鼻孔麼錯

少室潤參宗鏡舉洞山渠我語詰之潤悟以偈  
答云若要見此人有個真消息無相滿虛空有形  
沒踪跡鏡云子母勦說須入悟門潤云尚不借緣  
從何門入鏡云不借一句於意云何潤云彩鳳翻  
飛身自在鍊牛奔吼意常閒

9 10 11 12 13 14 15 16 17 18 19 20

機述

卷之三

拈云寒松夜籟老鶴移巢若非功位全超說甚今時及盡諸仁者翻飛彩鳳奔吼銕牛當時是明不借是明不借借毫釐有差天地懸隔

大覺念遊初祖面壁處忽然悟入乃云五乳峯前好個消息大小石頭塊塊著地

拈云脫空謾語當時石頭大的大小的小飛走虛空何曾著地

壽昌上堂云三世諸佛不知有狸奴白牯却知有且道狸奴白牯有甚長處僧出云金烹大冶王出藍田昌云一時趕出山門外

拈云據令而行文殊普賢也須倒退三步當時這僧甘麼

雲門澄陞座纔立次有老宿出云和尚莫要般門

弄斧門與一掌云速道速道宿無對門云死漢

拈云這漢倒捋虎鬚未免遭他哮吼鎮鉤在手坐斬癡頑

雲門澄詣雲棲棲舉高峯海底泥牛話詰之門推出旁僧云大眾證明棲休去

拈云釣在不疑且置當時旁僧若是個漢左衝右突鋒刃相交王家賓家一齊榻倒

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

雲門澄與黃蘖陶學士向火次陶謂門云黃蘖師在阿師得力句乞爲舉似門云向火背猶寒拈云當時黃蘖直得眼睜睜地

雲門澄因雪嚼問如何是殺人刀門云布鼓當軒誰敢擊如何是活人劔門云雖然後學也堪爲別前語云難免魏延別後語云且饒孟獲

蘇中丞問雲門澄云鴛鴦繡出從君看不把金針度與人如何是金針門云我在京師走一遭不曾遇著一箇人蘇擬進語門云古佛過去久矣

拈云說什麼紅旗閃爍五逆聞雷學語之流須不得

### 恁般快利

僧問愚庵洞山云吾嘗於此切意旨如何庵云老僧二十年亦曾疑著今日被你一問直得口啞

拈云情知這老漢十分道不得推聾粧啞笑殺旁觀居士問愚庵青州布衫庵翹一足

拈云快便難逢累他旁人作佛法商量鶻臭布衫驢年也脫不下

愚庵過天華請上堂西堂出衆庵云龍生龍子鳳生鳳兒堂云忒作甚麼庵云話頭安在堂便喝庵云忒作甚麼

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1

枯云那僧也解布鼓雷門爭奈愚庵老人捺著便轉  
還有善能回互的麼來來正好喫棒

苦士閑處須清閒不逐虛題一發

廿二年嘗賦詩今日題前一問直吾其

餘問邊關風山一葉舟公此段有懷

雲溪恨亭挺禪師語錄卷之十一

弟子 智淙 編

頌古

洞山雲居渡水

巴陵一望洞庭秋日見孤峯水上浮聞道神仙不可  
接心隨湖水共悠悠

雲居何必興化不必  
蒲桃美酒夜光杯欲飲琵琶馬上催醉臥沙場君莫  
笑古來征戰幾人回

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

洞山寒暑

日落沙明天倒開波搖石動水繁廻輕舟冷月尋溪  
轉疑是山陰雪後來

洞山延壽堂僧

釣罷歸來曬網羅閒憑小艇弄清波老僧獨解漁人  
意爛醉高眠發棹歌

興化擴克賓

七月七日長生殿血染遊魂不相見曾聞飛燕托屬  
車空說班姬泣團扇

青州布衫

爲探桃花古渡頭停驂把手醉高樓青州從事閒相  
識那復平原問督郵

卽向汝道牙遂悟厥旨

龍牙問洞山如何是祖師西來意山云洞水逆流  
天外空山影亂浮飛鳶陣陣點雲頭郤疑身在滄洲  
裏水國相看十二樓

白水聲不自聲色不白色

湘中老人讀黃老子援紫藟坐碧草春至不至湖水  
深日暮忘卻巴陵道

覲子和尚神前酒臺盤

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

虎溪閒月引相過帶雪松枝挂薜蘿無限青山行欲盡白雲深處老僧多

天童威的的卓卓  
雪淨胡天牧馬還月明羌笛戍樓間借問梅花何處落風吹一夜滿關山

雪峯毬子

十年磨一劍霜刃未曾試今日把似君斷取不平事  
庭前柏樹子

昆明池畔柏梁臺五利親祠太乙來果是劫灰飛動處神仙乘夜下蓬萊

麻三觔

羞說河陽一縣花逋逃滿戶走天涯官司有限徵輸急故事須完幾輛麻

僧問太陽如何是大達的人陽云虛空類不得僧云如何是清淨法身陽云白牛吐雪彩黑馬上烏  
瞿塘峽口冷烟低白帝城頭月向西唱到竹枝聲咽處寒猿晴鳥一時啼

鶲

太陽上堂夜半烏鵲抱鵠卵天明起來生老鶲鶲毛鷹嘴鷺鷺身却共烏鵲爲侶伴高入烟霄低飛

9 10 11 12 13 14 15 16 17 18 19 20

撰述

柳岸向晚歸來仔細看依稀却是雲中雁  
雲擁樓臺山樹低輕鷗兩兩弄柔荑可堪月挂秋蘆  
影歷亂銀河烏夜啼

僧問投子青當今年多少子云月籠丹桂遠星拱  
北辰高

輦路江風暗宮庭野草春傷心庾開府老作北朝臣  
僧問芙蓉如何是曹洞家風芙蓉云繩床風雨爛方丈草前侵

歲月人間促烟霞此地多殷勤竹林寺更得幾回過  
國師三喚侍者

風前彼我寄相思歷亂琴心祇自知今夜月明卿有約只愁行露晚來遲

同安孤峯迥秀不挂烟蘿片月橫空白雲自異  
問余何事棲碧山笑而不答心自閒桃花流水杳然去別有天地非人間

王老師賣身

王孫落魄走天涯西望長安客路賒心事滿腔說不得只今誰是魯朱家

澁白鹿松高鳥泊難  
僧問梁山如何是和尚家風山云益陽水急魚行

亭亭孤月照行舟寂寂長江萬里流鄉國不知何處  
是雲山漫漫使人愁

僧問梁山如何是正法眼山云南華裏僧云爲甚  
在南華裏山云爲汝問正法眼

門徑俯青溪茆堂古木齊紅塵飛不到時有水禽啼  
僧問梁山如何是從上傳來底事山云渡水胡僧  
無膝磅背駝梵夾不持經

中庭地白樹棲鴉冷露無聲濕桂花今夜月明人盡  
望不知秋思在誰家

疎山造洞山值洞早參疎問未有之言請師示誨

洞云不諾無人肯疎云還可功也無洞云你卽今  
還功得麼疎云功不得卽無諱處洞他日上堂云  
欲知此事直須如枯木生花方與他合  
壩城春靄五侯家渭水朝飛上苑花可是禁烟和野  
合只看仙露倚天斜

僧問香嚴不求諸聖不重已靈時如何嚴云萬機  
休罷千聖不攜時疎山在衆作嘔聲曰是何言歟  
嚴聞便下座曰適對此僧語必有不是致招師叔  
如是未審過在甚麼處山云萬機休罷猶有物在  
千聖不攜亦從人得如何無過嚴云卻請師叔道

山云若教某甲道須還師資禮始得嚴乃禮拜躡  
前問山云何不道肯諾不得全嚴云肯又肯個甚  
麼諾又諾於阿誰山云肯卽肯他千聖諾卽諾於  
已靈嚴云師叔恁麼道向去倒局三十年在  
畱得桃源好避秦田家父老往來頻洞中鶴犬雲迷  
處不許漁郎更問津

僧問白馬如何是密室中人馬云纔生不可得不  
貴未生時僧云是個甚麼不貴未生時馬云是汝  
阿爺

寂寂孤鶯啼杏園寥寥一犬吠桃源落花芳草無尋

處萬壑千峰獨閉門

善權智上堂明月高懸未照前雪看人凭玉欄干  
夜深雨過風雷息客散雲樓酒榼乾  
蒼蒼竹林寺杳杳鐘聲晚荷笠帶斜陽青山獨歸遠  
淨慈暉上堂谷之神樞之要裏許傍參回途得妙  
雲雖動而常閒月雖晦而彌照賓王交參正偏兼  
到十洲春盡花凋殘珊瑚樹林日杲杲

對水看山別離孤舟日暮行遲江北江南春草獨向  
金陵去時

東林理上堂峰頭駕鐵船三更日輪杲心閒不自

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

換述

金華府志卷之二

六

明落葉知誰掃等閑摘箇鄭州梨放手原是青州

金棗

文殊白椎

南國佳人畫裏看霜毫初點曉粧殘莫勞脂粉施顏色窗外梅花拂影寒

婆生七子

相從織女舞輕梭此日天孫已渡河最是夜涼秋水碧支機石上怨聲多

丹霞淳上堂寶月流輝澄潭布影水無蘸月之意

月無分照之心水月兩忘方可稱斷所以道昇天  
的事直須颺郤十成的事直須去郤擲地金聲不  
須回顧著若能如是始解向異類中行還相委悉  
麼良久云常行不舉人閒步披毛戴角混塵泥  
落日五湖遊烟波處處愁浮沉千古事誰與問東流  
枯木成上堂燈籠忽爾笑皚皚如何露柱亦懷胎  
天明生得白頭女至今遊蕩不歸來這冤家好歸  
來黃花共翠竹早晚爲誰栽

危石江中起孤雲嶺上還相逢皆得意何處是鄉關  
寶峯照上堂古人道墮肢體黜聰明離形去智同

枝那

袁子翹詩語錄卷十一

七

於大道正當恁麼時且道是甚麼人刪詩書定禮樂還委悉麼禮云禮云玉帛云乎哉樂云樂云鐘鼓云乎哉

亭亭日午猶虧半寂寂三更尚未圓六戶不會知暖意往來常在月明前

石門易上堂懷胎玉兔曉過西岑抱子金鷄夜棲東嶺夜明簾外別是家風空王殿中聖凡絕跡且道作麼生是夜明簾外事還委悉麼正值秋風來入戶一聲砧杵落誰家酌酒會臨泉水把琴好倚長松南園露葵朝折西舍

黃梨夜春

僧問石門如何是西來意門云玉璽不離天子手金箱豈許外人知

禁苑烟銷玉露清輕陰搖曳晚波明長門飛絮曾無王半逐春風入鳳城報慈上堂云一句徧大地一句纔問便道一句問亦不道僧問如何是徧大地句慈云無空闕僧云如何是纔問便道句慈云低聲低聲僧云如何是問亦不道句慈云便合知時

誰家玉笛暗飛聲散入春風滿洛城此夜曲中聞折

柳何人不起故園情

道者娘生榜

傲如禰子才名拙捐似虞翻骨相屯寂寞山河一杯  
土當年挂劍有何人

道吾指夾山見船子

朝餐白石裹春糧暮采芳洲杜若香欲寄深心與明  
月送君南浦動蘭漿

雪峰鏡清醍醐毒藥

羅刹潮頭敵馬當三江八月似瞿塘翻將僰道巴渝  
曲譜入新聲教女郎

淨因覺上堂金鷄報曉丹鳳翹翔玉樹花開枯枝  
結子太陽門下日日三秋明月堂前時時九夏要  
會麼無影樹垂寒澗月海潮東注斗移西  
懸流小艇傍雲隈夢逐寒蘆浪裏回夜月乍看江上  
雪秋風搖落嶺頭梅

洞山微上堂日暖風和柳眼青冰消魚躍汎花生  
當鋒妙得空王印半夜宣峯戴雪行

採菱渡頭風急策杖村西日斜杏樹壇邊漁父桃花  
源裏人家

僧問慧日如何是和尚爲人一句曰云狗走抖擗



口意旨如何日云猴愁搜搜頭

何處秋風至蕭蕭送雁羣朝來入庭樹孤客最先聞  
僧問天童珏如何是道童云十字街頭休砍額  
破額山前碧玉流驛人遙駐木蘭舟春風無限瀟湘  
思欲採蘋花不自由

法昌遇上堂夜半烏鵲誰捉去石女無端遭指汎  
空王令下急搜求惟心便作軍中主雲門長驅鴻  
山隊伍列五位鎗旗布三玄弓弩蘿山持刀青原  
荷斧石筆攀弓禾山打鼓陣排雪嶺長蛇兵屯黃  
蘖飛虎木馬帶毛烹泥牛和角煮牛三軍犒師旅

打葛藤分露布截海颶塵橫山簸土擊玄關除微  
路多少平人受辛苦無邊剝海競紛紛三界聖凡  
無覓處無覓處還知否昨夜雲收天宇寬依然帶  
日啼高樹

經過此地無窮事一望淒然感廢興渭水故都秦二  
世咸陽秋草漢諸陵天空絕塞聞邊雁葉盡孤邨見  
夜燈風景蒼蒼多少恨寒山半出自白雲層  
招提燈上堂偏不偏正不正那事從來難比並滿

天風雨骨毛寒何須更入那伽定

武林溪口駐扁舟溪水隨君向北流行到荆門望三

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

挾述

峽莫將孤月對猿愁

德山凡見僧入門便棒

灌木蒼藤翠萬重望中雲水宿諸峰空山夜半驚雷  
起怒捲寒濤撼蟄龍

德山示衆云道得也三十棒道不得也三十棒臨  
濟聞得謂雒浦曰你去問他道得爲甚麼也三十  
棒待伊打汝接住棒送一送看他怎麼生浦依教  
而問山便打浦接住送一送山便歸方丈  
江邊百丈苦風湍礪口青山百八槩無事別時休要  
別上江容易下江難

真歇問僧瑠璃殿上玉女攬梭明甚麼邊事僧云  
回互不當機歇云還有斷續也無僧云古今不曾  
閒歇云正當不會間時如何僧珍重便出

藥徑深紅薜山窓滿翠微羨君花下醉蝴蝶夢中飛  
真歇上堂幻化空身卽法身遂作舞云見麼見麼  
恁麼見得過橋邨酒美又作舞云見麼見麼恁麼  
不見隔岸野花香

門外水流何處天邊樹遠誰家山色東西多少朝朝  
幾度雲遮

唐莊宗問華嚴爲甚麼不看經嚴云道泰不傳天

子令時清休唱太平歌

浮雲不共此山齊山靄蒼蒼望轉迷曉月暫飛千樹  
裏秋河隔在數峰西

僧問九峰滿如何是不遷意峰云東生明月西落  
金烏僧云非師不委峰云理當則行僧禮拜峰便  
打僧云仁義道中禮拜何咎峯云來處不明須行  
嚴令

青漆船頭畫槳新紅裙盪槳往來頻湖心一夕風波  
起便是天涯海角人

鴻山一日見仰山來卽以兩手相交過各撥三下

却豎一指仰山亦以兩手相交過各撥三下却向  
胸前仰一手覆一手以目瞻視鴻山休去

金掌又聞泛玉山還報類莫教更漏促趁取月明回  
法眼與李國王同觀牡丹花說偈曰擁毳對芳叢  
由來趣不同爰從今日白花是去年紅艷冶隨朝  
露馨香逐晚風何須待零落然後始知空主頤悟  
其意

檇李城邊落日新幾家烟火傍星辰郊原父老知誰  
力白草黃花總一春

僧問洞山如何是毘盧師法身王山云禾莖粟幹

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

拂逃

海燕西飛白日斜天門遙望五侯家樓臺深鎖無人到落盡東風第一花

個莫便是否山云斬

居延城外獵夫騎白草連天野火燒玉靶角弓珠勒馬漢家將賜霍嫖姚

僧問雲居如何是諸佛師居喝云這田庫奴僧禮拜居云你作麼生會僧喝云這老和尚居云元來不會僧作舞出去居云沿臺槃乞兒

回風度雨渭城西細草新花踏作泥聞道輞川多勝

事玉壺春酒正堪携

又雲居蹋山

天門中斷楚江開碧水東流直北迴兩岸青山相對出孤帆一片日邊來

臨濟三度被打如拂蒿枝

海棠花下忽經年楊柳風前幸可憐我憶王人看不見空餘啼鳥盡橋邊

靈雲見桃花

夢裏相逢不偶然章華臺畔楚王前却疑環佩人何往小月峯頭落照偏

長楊廣陌水西東猶有承平京雒風五百禁烟寒食夜千家絲管盡圖中

遵布衲浴佛

鏡裏嵐光削翠巖花前繫馬勒金街潮生正是郎來路莫待潮來便舉帆

韓文公于侍者邊得個入處

湖田甌窯不可居高成沙鹵下成渠昨夜水長三四尺橫截亂流來捕魚

金峰上堂云事存函蓋合理應箭鋒狂還有人道

誰得麼時有僧出禮拜峯云相見易得好共住難爲人便下座

玉帛徵賢楚客稀猿啼相送武陵歸潮頭望入桃花去一片春帆帶雨飛

僧問同安不無情還解說法也無安云玉犬夜行不知天曉

永河曉徹靜無塵水中空轉月輪砧杵萬家渾是夢飛飛白雁往來頻

僧問同安不迷頭認影如何止安云告阿誰僧云如何卽是安云從人覓卽轉遠也僧云不從人覓

時如何安云頭在甚麼處  
無定河邊暮笛聲赫連臺畔旅人情函關歸路千餘里  
一夕秋風白髮生

僧問廣濟溫伯雪與仲尼相見時如何濟云此間無恁麼人

沅水悠悠湘水春臨岐一望一沾巾信陵門下三千客若到長沙見幾人

僧問雲居昌相逢不相識時如何昌云旣相逢爲甚麼不相識

萬里辭家事鼓鼙金陵驛路楚雲西江春不肯留行

客草色青青送馬蹄

龐居士見丹霞大笑作舞

美人芳香遍肢體况復朱顏發清醴解衣雜坐淳于髡醉後不知胡所底

投子下禪床

苧蘿村裏儘風流何事春山帶雨愁病起微軀越嬌怯對人無語但含羞

僧問寶蓋不居正位的人如何行履蓋云紅焰叢中駿馬嘶

瑤池阿母綺窓開黃竹歌聲動地哀八駿日行三萬

里穆王何事不重來

僧問大死翁如何是正中偏翁云面黑老婆披白練如何是偏中正翁云白頭翁子著皂衫如何是正中來翁云屎裏翻筋斗如何是兼中到翁云雪刃籠身不自傷如何是兼中至翁云雪向上還有事也無翁云捉得烏龜喚作鱉乞師再垂方便翁云入山逢虎臥出谷鬼來牽何得干戈相待翁云三兩綫一劬麻

與君青眼客共有白雲心不向東山去日今春草深

僧問北山斷言語絕思惟處乞師指示山云滴水

卷之二

入石

爾何空山坐我向空山臥只愁飛鳥來亂沓青苔破  
雪竇宗上堂澗底泥牛金貼面山頭石女著真紅  
繫驢櫞上生芝草不是雲霧香爐峯

水流絕澗終日草長深山暮春犬吠鷄鳴幾處條桑  
種杏何人

烏臼打玄紹二上座

門外青帘颺水新往來江口祀潮神江南江北風濤  
起只見潮頭不見人

僧問大同如何是十二時同云子丑寅卯

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

換述

卷之三

去年從征新入州今年還鄉乍裹頭田家養子似豚  
犢菽麥不分還牧牛

天皇示龍潭云任性逍遙緣放曠但盡凡心別  
無聖解

花草縈紆水蔚藍陂塘雲木曉相黎阿承家有黃頭  
女徧種柔桑教養蠶

光孝週上堂回互不回互覷見沒可睹透出祖師  
關踏斷入天路阿呵呵悟不悟落花流水知何處  
行盡江南數十程曉風殘月入華清朝元閣上西風  
急都入長楊作雨聲

丘庵上堂云去年寒食後今年寒食前日日是好  
日不是正中偏

洞庭湖西秋月輝瀟湘江北早鴻飛醉客滿船歌白  
苧不知霜露入秋衣

僧問雲蓋景國土晏清功歸何處蓋云銀臺門下  
不展賀僧云轉功無位時如何蓋云王家事宛然  
僧云如何是閬外底事蓋云畫鼓聲終後將軍不  
點頭

天山雪後海風寒橫笛偏吹行路難積裏征人三十  
萬一時回首月中看

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

僧問禾山陰王子未來登誰人當治化山云閻外  
不行邊塞令將軍自致太平年僧云恁麼則治化  
之功猶不當山云亦有當僧云如何是當山云十  
方國土盡屬於王

秦時明月漢時關萬里長征人未還但使龍城飛將  
在不教牧馬度陰山

僧問烏牙蠟蠍飲雲根時如何牙云金輪天子下  
閣浮鏡縵頭上金花異僧云正當恁麼時如何牙  
云當今不坐靈明殿畫鼓休停八佾音

不寢聽金鑰因風想玉珂明朝有封事數間夜如何  
夾山掘深坑汝不打殺老僧老僧打殺汝  
琵琶一曲最銷魂馬上黃花逐戍屯西出涼州千萬  
里只今猶自恨長門

### 大顛贊首座

金谷春深日影浮新粧昨夜墮高樓因憐薄命人多  
少紅葉誰題出御溝

道吾因僧問如何是和尚深深處吾下禪床作女  
人拜云謝子遠來無可抵對

垂柳垂楊覆曉烟種來多在六橋邊風流莫被人攀  
折長送青陰入畫船

9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

唐詩

### 楚王城外水東流

羊車複道冷春沙  
草長羅裙窄地花  
脂粉幾經亡國後  
路人猶共玉鉤斜

趙州因僧問毫釐有差時如何  
州云天地懸隔僧云毫釐無差時如何  
州云天地懸隔

生長長干小市中  
龍山漁浦對西東  
分明咫尺天河路  
不到填橋不肯通

九峰滿間僧近離甚處僧云閩中峰云遠涉不易  
僧云不難動步便到峰云有不動步者麼僧云有  
峰云爭得到此間僧無對峰以拄杖趣下

雕弓白羽獵初回  
薄夜牛羊復下來  
夢水河邊秋草合  
黑山峰外陣雲開

### 曹山孝滿曹山顛酒

羽客笙歌此地違  
離筵數處白雲飛  
蓬萊闕下長相憶  
桐柏山頭去不歸

僧問白雲如何是  
王中王雲云汝還具眼麼僧云  
恁麼則學人歸堂去也雲云猢猻入布袋

門前綠樹無啼鳥  
亭下蒼松有落花  
聊與東風論個事  
十分春色落誰家

龍冊悟因僧問正位中還有人成佛否冊云誰是

9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

換述

卷之三

七

七

衆生僧云若恁麼則總成佛也冊云還我正位來僧云如何是正位冊云汝是衆生

秋至山寒水冷春來柳綠花紅一點動隨萬變江郎烟雨濛濛

韶國師上堂大允言句應須絕滲漏始得時有僧問如何是絕滲漏的句師云汝口是鼻孔

日照香爐生紫烟遙看瀑布挂前川飛流直下三千尺疑是銀河落九天

南泉異類中行

混跡屠沽變姓名南山鞭犧早歸耕三時負耒當勞

苦中夜旋聞鞞鐸聲

宏智上堂心不能緣口不能議直饒退步荷擔切忌當頭觸諱風月寒清古渡頭夜船撥轉瑠璃地江上年年春草津頭日日行人借問山陰遠近但聞薄暮鐘聲

大洪預上堂丹山無彩鳳寶殿不留冠有時愁有時癡非我途中爭得知空山不見人但聞人語響返景入深林復照青苔上治平上堂優游實際妙明家轉步移身指落霞無限白雲猶不見夜乘明月出蘆花

木末芙蓉花山中發紅萼淵戶寂無人紛紛開且落  
圓通真際上堂長連床上佛陀耶

人間桂花落夜靜深山空月出驚啼鳥時聞寒澗中  
大愚芝上堂大洋波底排班立從頭第二鬢毛斑  
爲甚麼不道第一鬢毛斑要會麼金蓋銀絲成玉  
露高僧不坐鳳凰臺

青雀西飛竟未回君王長在集靈臺侍臣最有相如  
渴不賜金莖露一杯

北院參洞山山上堂云坐斷主人公不落第二見  
院出衆云須知有一人不合伴山云猶是第二見

院便掀倒禪床山云老兄作麼生院云待其甲舌  
頭爛卽向和尚道後辭洞山擬入嶺山云善爲飛  
猿嶺峻好看院沉吟山召通關黎院應諾山云何  
不入嶺去院因有省更不入嶺

北斗挂須彌杖頭挑日月林泉好商量夏末秋風切  
僧問廣德魚向深潭難避網龍居淺水却難尋時  
如何德云徧體崑崙黑通身一點霜

五白貓兒爪距獐養來堂上絕蟲行分明樹上安身  
法切忌遺言許外生

僧問石門如何是靈利的物門云古墓毒蛇頭戴

角又云維摩不離方丈室文殊未到却先知又云  
垢膩汗衫皂角洗

扶桑出自日頭黃河輶底流六六三十六陝府灌鍊牛  
僧問紫陵如何是五逆的人陵云放火夜燒無相  
宅天明戴帽入長安僧云如何是孝順的人陵云  
步步手提無米飯歛手堂前不舉頭  
泥蛟咬石鱉露柱啾啾叫須彌打一棒閻老呵呵笑  
僧問羅漢琛如何是沙門正命食琛云喫得麼僧  
云欲喫此食作何方便琛云塞却你口僧問香嚴  
如何是正命食嚴以手撮而示之

有不有空不空笊籬撈取西北風

白龍因僧問請師答無賓王話龍云昔年曾記得  
僧云卽今如何龍云非但耳聾亦兼眼暗仙宗因  
僧問請師答無賓王話宗云向無賓主處問將來  
一六二六其事已足一九二九我要喫酒長伸兩脚  
眠一窩起來天地還依舊

僧問大洪恩三玄三要卽不問五位君臣事若何  
洪云非公境界僧云恁麼則木人撫掌石女呵呵  
洪云杓卜聽虛聲熱睡饒譖語僧云若不上來伸  
此問焉能得見少林機洪云放過卽不可隨後便

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

拾遺

卷之二

三

打

朝朝日出東方夜夜月落西戶如今大宋官家盡是  
金枝玉樹

瑯琊上堂剪除猖寇掃蕩攬捨猶是功勳邊事君  
臣道合海晏河清猶是法身邊事作麼生是衲僧  
本分事良久云透網金鱗猶滯水回途石馬出沙  
籠

面西行向東北斗震離官道去何曾去騎牛臥牧童  
十方薄伽梵一路涅槃門乾峰扇子雲門拄杖  
屈原死在五月五家家門前懸艾虎可憐鑼鼓鬧喧

天逢人盡看蛟龍舞

大梅聞鼴鼠聲

錐鐘東應銅山西崩鼴鼠鼴鼠五技而窮

陳操見資福福畫一圓相後掩門

好個阿師被人促敗關門打鼓鼓聲在外

前三三後三三

六六三十六九九八十一二一添作九逢五進一七

首山竹籃子

張湯舞文蕭何造律漢帝飭經術秦吏善刀筆撞著  
一班乳虎蒼鷹從來沒處叫屈

9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

僧問鼎州垂一足州云坐久成勞

見怪不怪其怪自敗鼎州誠實之言將一箇鉗斧子  
貴買賤賣若信不及少待少待

雲門面南看北斗

北斗七星高哥舒夜帶刀沒梯兒扒在天上迭肚子  
過橋從來天子重英豪

雲巖問藥山如何是異類中行山云吾今日困倦  
金毛獅子變作狗三脚驢兒弄蹄走這回困倦草裏  
眠引得曹山好顛酒

龐居士見則川

投我木桃報以瓊瑤旣見君子鼓瑟吹簫吹簫鼓琴  
燕樂嘉賓之心

僧問雲門一念不起還有過也無門云須彌山  
須彌山當面擲金烏玉兔兩旁出雲門一訣未醒醒  
直待當來問彌勒

護國一場慘懾

殺人須見血爲人須爲徹大丈夫轟轟烈烈項羽婦  
寺之仁印刲敝而不與七十餘戰未免一跌

法眼問覺上座船來陸來覺退卻問旁僧適來這  
僧具眼不具眼

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

接述

腦後見腮莫與往來江湖上也有好漢識得大官人  
姓柴沒擺布弄癡呆說向人前別賣乖咄羞也不識  
趙州放下著擔取去

弄丸雖巧不如承蜩桀之大可以吠堯

臨濟打院主次打典座

咸陽三月火宮殿盡遭焚說起長平事當時愁殺人  
清淨本然云何忽生山河大地  
清淨本然只恁麼舉差之毫釐失之千里

洞山與密師伯過水拈起木橋

拈起木橋相煎太急一呼便下直恁省力後來者何

不棹頭竟去先行者何不叫喚不回左伯桃羊角哀  
豈是閒相識

九峰釋迦慳迦葉富百歲老兒分夜燈

真個富月明海底珊瑚樹果然貧布袋長汀乞一文  
也不富也不貧滿山落葉盡黃金百歲老兒分夜燈  
不如吹滅了一總暗中行

石柱到洞山四種人語

相逢拍手笑呵呵石馬金牛事若何見說烏龜啣月  
走燈籠緣壁渡滹沱孟嘗君平原君春申君信陵君  
去去去東方先生烏有先生

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

活僧問金峰四海晏清時如何峰云猶是階下漢  
太平本是將軍致不許將軍見太平銷鋒鏑金人  
幾年戎馬遍華林良久云得已不已

白馬井底蝦鳶吞卻月

萬里一條鍊從本無枝葉誰家美人吹玉笛梅花調  
裏宮商別死蝦鳶吞卻月杜鵑夜半猶啼血可惜許  
公孫子陽井底蛙長安空向夢中說

崇壽凳子周匝有餘雲門凳子天地懸隔

玄者聽其爲烏白者聽其爲鵠鶴頸也不須截鳬頸  
也不須續程不識刀斗自嚴李將軍從無部曲

永嘉參六祖

週週折折團團圈圈七搭八搭這邊那邊恁般地許  
他一宿悟去葛獵子也太廉纖

曹山五位對賓

水晶宮露重此夜靜無聲雲漢千江影家家見月明  
仰山雪獅子

大雪紛紛下柴米都長價小釋迦著水賣油一半王  
一半霸有的道解弄獅子有的道明一色邊一任鑽  
龜打卦

欽山監拳開掌

堅白異同是非多寡放開五箇指頭捏聚共成一把  
紛紛學士清蘭陵朝說碧鷄暮譚黃馬

婆子偷趙州筭

今夕何夕三星在天千里姻緣使線牽風魔了張解  
元

保福簽瓜

鄴下流風南皮高躅沉李浮瓜云胡不樂仲宣獨步  
于漢南孔璋鷹揚于河朔

南泉摩尼珠

和氏之璧隨侯之珠得之則有失之則無王老師王

老師賣寶遇着瞎波斯去汝不會我語鄭人買匱而  
還其珠

禾山打鼓

辱卿辱孤爾衡撾鼓可憐後來遇著黃祖

雲門六不收

六不收一不立強中強吉中吉摩訶般若波羅密  
巖頭黃巢劍僧舉似雪峰峰打趕

耽胸彎彎只居裏僧孺姓牛逢吉姓李

藥山久不陞座

掩耳盜鈴偷香塞鼻若解背陰而行到處滅景絕跡

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

機述

不空和尚金言卷之二

雲門餉餅

食餅食餅餅中有毒專諸刺王刀在魚腹

趙州急水打毬僧問投子

急水打毬夜叉踏碓兔死狐悲物傷其類

藥山與雲巖遊山抽刀驀口一砍

抽刀在手干將高懸從來劍術歐冶相傳

僧問梁山如何是西來意山云莫亂道

秦并天下焚書坑儒切忌偶語於法當誅

首山冬至寒食一百五

清明三月三重陽九月九不是你娘坟何須來奠酒

首山念汾陽昭播揚家醜

僧問大隨如何是室中燈隨云三人證龜成鱉

指鹿爲馬證龜成鱉曾參親手殺人阿母也沒得說  
室中燈室中燈門前鬼火碧燐燐

僧問瑞巖如何是誕生王子巖云深宮引不出

王殿苔生深宮不出監國者有是有非撫軍者或得  
或失君不見博望門前車馬多巫蠱事起當奈何  
僧問興化軍旗急速時如何化云日料半効餐  
增竈減竈兵法巧妙一日半効本分草料

夾山戶挂凋林影中辨取

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

石室神門古鏡考

秋水飛孤鶩長天映落霞夕陽衰草野人家好一幅黃鶴山樵筆意看得眼花

臨濟會下同學二人相問濟云要會臨濟賓主句

問取堂中二禪客

主賓相見不犯鋒鋩雙雙乳燕飛落雕梁

雲門顧鑒喫

太行山前白日打劫顧鑒喫慣作賊也能殺也能活

僧問天寧夜半正明天曉不露寧云滿船空載月

漁父宿蘆花

抱卵歸霄漢懷胎到翠微一片月滿船魚漫向離騷

更卜居

鏡清問僧趙州喫茶話僧便去

人將語試水將石試紅粉賣與佳人寶劍贈與烈士

投子有眼無耳朶六月火裏坐

黃絹幼婦紛紛露布可憐天下人邯鄲學唐步

黃龍三關

得放手時須放手得饒人處且饒人天道好還造物  
忌盈

玄沙虎

於菟於菟也太糊塗子食其母不順不孝母食其子

何罪何辜住住住看取釣魚船上猛虎口飛出活鳥  
雛

臨濟人境俱奪

羣盜滿山赭衣當路天乎何爲罹斯塗苦

趙州到黃蘖救火救火

相如獻秦璧張儀割商於戰國重策士孰敢言其非  
潦倒趙州顛狂黃蘖大家燒了嘴唇皮

鏡清一點水墨兩處成龍

以沙代米喚甕作鐘韓幹畫馬鏡清畫龍知麼知麼  
葉公好的不是真龍

香林臘月火燒山雪竇云翹松鶴冷踢雪人寒  
臘月燒山鶴令人寒有錢的紅爐煖閣沒錢的穿個  
破布衫難難難一條路九曲三灣

僧問聲聞見性雪峰三下巖頭三掌

一棒一條痕一掌一握血兩箇沒鼻孔阿翁可惜出  
門合轍同條死同條生姦公姦公漫饒舌

南泉令趙州看庵主

墨翟善守公輸善攻挖壁洞回來討賞這老漢太不  
唧噥長他志氣滅自己威風

長慶羚羊挂角

也不用伏龍肝也不用羚羊角牛溲馬淳總不奈何  
只一味賽狸貓老鼠藥

南院令合是汝行

執鞭笞愚黔首虎狼之國慣得便宜侗疑虛喝逢人  
輒開大口令合是汝行羞羞播揚家醜

仰山打大禪佛四藤條

好頓烏藤是賞是罰翻身轉來還欠一踏大禪佛大  
禪佛逢人切忌誇口說

智門蚌舍明月兔子懷胎

寒山逢拾得普賢見文殊雲門一句子你知我也知

新來添得好兒子人人道老蚌出雙珠

雪峰前五棒後五棒

殺人刀活人劍山頭放出連珠箭翻思臨濟拂蒿枝  
肋下拳救得一半

雪峰三相見

聽瞎子說謊替古人擔憂沒來由沒來由

孚上座到雪峯一見便下來日入方丈云昨日觸

忤和尚

假小心最大膽雪峯令行爭敢爭敢從來一棒不饒  
人有罪者放無罪者斬

興化晏德長老話

不識得的虎韜豹畧識得的斷簡殘編說破那直半文錢諸葛不生諸葛子一代新鮮一代涙  
玄沙見鼓山來作一圓相又云我得汝不得只許州官兒放火不許小百姓點燈天不平地不平人心不平

愚庵示衆五臺山上雲蒸飯佛殿街前狗屎天刹竿頭上煎餠子三箇猢猻夜籤錢良久云東且道是那個東字還是東西的東字還是冬夏的冬字復云蒼天蒼天

一東二冬你儂我儂雷峯夕照南井晚鐘開船去湖心亭上打冬喚

僧問寶壽對實不對實壽云不接客

寒雨連江夜入吳平明送客楚山孤  
孤鶴陽親友如相問一片冰心在玉壺

愚庵皂角子

紫陌晴光動綺羅別來離恨爲君多池臺晝靜無人見低轉長眉掃綠波

愚庵入室次僧禮拜起庵以草鞋覆桌上云是何意旨僧一喝庵云是何意旨僧又喝庵直打毬出

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

橫籬獨山頭有天沒日頭竊鉤者誅竊國者侯顏子  
淵餓得個腰細肚皮軟柳盜跖殺人不貶眼飲美酒  
坐高樓

僧問愚庵二親俱喪時如何庵云好個消息進云  
還假保住否庵云一翳在眼

嵇康酷好彈琴執喪那論繩檢王陵身仕漢朝娘死  
也都不管不見道曹山孝滿

雪溪恨亭挺禪師語錄卷十二

弟子 智鑒  
智郁 編

外述

漆雕開

子使漆雕開仕探竿在手吾斯未信爭之不足讓之  
有餘子說許他一半

乘桴浮海

從我其由紅爐金彈子子路聞之喜鮎魚上釣釣無  
所取裁有殺有活

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

拾述

畏匡

吾以女爲死矣青天霹靂子在回何敢死不是這漢大難承當

山梁雌雉

山梁雌雉大好一個消息時哉時哉鵠子過新羅子路共之丫郎當漢三喚而作莫眼花

問鬼神問死

問事鬼神築着磕着未能事人焉能事鬼從來不敢瞞人敢問死太煞糾回未知生焉知死看脚下

如愚不愚

吾與回言終日誑惑不少不違如愚須是這驢漢始得退而省其私作賊人心虛亦足以發得人一牛還人一馬回也不愚大小尼山郤被旁人勘破

顏淵喟然

仰彌高鑽彌堅不妨疑着博以文約以禮撒沙撒泥欲罷不能爭得轉身吐氣如有所立卓爾閉眼食蠅牛欲從末由只恐不是玉

子在川上

子在川上菩提樹忉利天逝者如斯恒河沙香水海不捨晝夜無邊刹海十世古今然雖如此逢人不得

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

錯舉

有知無知

有知乎哉無知也水上按葫蘆鄙夫空空赤眼撞着火柴頭叩其兩端而竭焉借婆衫子

誰能出不由戶

舍元殿裏問長安

朝聞夕死

枯木龍吟觸體無識

文章性天

文章可聞聞聞聞不聞性天不可聞不聞聞不聞不

開又云無鬚鎖子東家杓柄長西家杓柄短

唐棣之華

信手拈來百萬人天一時罔指

齋心變食居必遷坐

饑來喫飯倦來打眠不信許多奇特

原壤

原壤夷俟來這裏捋虎鬚也許伊具一隻眼幼而不遜弟鹵莽承當長而無述焉九十六種外道你是那一種老而不死是爲賊我也不能勘得你以杖扣其脰三十棒一棒也較不得然雖恁般這棒合是宣尼

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撫述

卷之二

喫當時何不奪取

互鄉童子

互鄉難與言一類惡闡提童子見八歲龍女門人惑  
疑煞五千人且道互鄉闡黨畢竟那個是曼殊童子  
從心不踰

問十五志學是初住位否師云不歷僧祇三十而立  
是十行位否師云當時信亦不立四十是回向位否  
師云師姑原是女人做五十是八地以上否師云切  
莫妄通消息六十耳根圓通是等覺位否師云木人  
典歌從心不踰逆順並應是妙覺道否師云承誰記

荊

學稼學圃

請學稼探頭太過不如老農一場慚懾請學圃晴天  
不肯走不如老圃直待雨淋頭

達巷黨人

達巷黨人七歲小廝兒有多少奇特大哉孔子一手  
擅博學而無所成名一手揭子聞之謂門弟子也要  
大家知吾何執一任東卜西卜執御乎先行不到執  
射乎末後太過吾執御矣少賣弄

太宰問子貢

技那

良序禪師語錄卷之二

四

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

何其多能也二由一有又多能也一亦莫守子聞之  
曰太宰知我乎青州布衫重七斤牢曰子云鉢盂安  
柄

宰予晝寢

宰予晝寢疑煞兩堂僧朽木不可雕也罰錢五百糞  
土之牆不可汚也趁出院子予何誅大家吹滅火一  
路暗中行

武城絃歌

子之武城老不歇心聞絃歌之聲出垂露醜割鷄焉  
用牛刀惡水驀頭澆偃也聞諸夫子親口出親言又

云惹他上頭上臉三子喚起維那偃之言是也爭  
容得他前言戲之耳老僧罪過

見南子

子見南子甜瓜徹蒂甜子路不悅苦瓠和根苦夫子  
矢之大家證明予所否者天厭之天厭之悉利悉利  
唵部臨

佛肸召

佛肸召子欲往爭奈老僧何親于其身爲不善者君  
子不入也非公境界不曰堅乎磨而不磷移山門向  
佛殿裏不曰白乎涅而不縕將燈籠來露柱邊吾豈

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

卷之二

三

匏瓜也哉枯椿焉能係而不食非枯椿

鳳鳥河圖

鳳鳥不至鶴有九臯須展翼河不出圖馬無千里漫追風吾已矣夫孤掌難鳴單絲不線

孺悲

孺悲欲見見過了也孔子不見被他熱瞞取瑟而歌漫勞拈出使之聞之悲掩耳而去

子路曾晳冉有公西華侍坐

如或知爾則何以哉也須勘過子路率爾而對忍俊不禁夫子哂之放汝三十棒求爾何如從東過西赤

爾何如從西過東點爾何如禮拜了依位而立喟然與點滅吾宗者克勤也三子者出釣在不疑曾晳後密啟其意夫子何哂由也是精識精是故哂之爭怪得唯求則非邦也歟謝師證明唯赤則非邦也歟賴子問過

不忮不求

何用不臧點卽不到何足以臧到卽不點

升堂入室

由之瑟奚爲于某之門雖然打草也要驚蛇門人不敬子路逐塊漢由也升堂矣未入於室也他時異日

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

拔述

卷之二

七

莫得辜負于我

參乎

參乎儘殼了也一以貫之漫勞指註曾子曰唯撩起便行子出將謂別有麼門人問曰何謂也一人傳虛夫子之道劍去久矣忠恕而已矣切忌刻舟

楚狂

歌而過孔子布鼓雷門孔子下欲與之言捉敗這漢趨而避之賴是走得快不得與之言還要一杓響

荷蕡

擊磬於衛拋磚引玉荷蕡過門釣得一個鑿子有心

哉擊磬乎泊合無人着眼既而曰鄙哉那裏來這一絡索深則厲淺則揭老僧合招得果哉末之難矣這漢柳子大一個身子有多少長處

丈人

遇丈人以杖荷蓧不是好人行徑子見夫子乎也須問過孰爲夫子惡口傷人植其杖而耘露些手脚子路拱而立畧施伎倆止子路宿把手同行見其二子焉未免一期賓王明日子路行以告舉似向阿師使子路反見之不信尚須勘過至則行矣夜眠侵早起又有不眠人子路曰不仕無義雖然說向虛空也要

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

捲之

石虎元良金石錄卷之二

七

明個互換手脚

長沮桀溺

計當於世無至限了矣外則葛藤  
沮溺耦耕一般做些活計使子路問津焉勘破臺山  
夫執輿者爲誰當頭一問爲仲尼打開葛藤是魯孔  
某歎果然果然是知津矣我不暇爲汝說問桀溺轉  
過那邊子爲誰怕施一拶爲仲由據歎結案是魯孔  
某之徒歎聞名不如見面豈若從避世之士哉掉轉  
船頭耰而不輟且任這漢疑三十年子路行以告大  
好傳語夫子恤然此回真是失利吾非斯人之徒與  
而誰與教渠親見老僧天下有道某不與易也放過

一着

三戒

問戒之在色是淫戒否師云婆須蜜女作麼生戒之  
在鬪是殺戒否師云勝熟婆羅門作麼生戒之在得  
是盜戒否師云無厭足王作麼生

夫婦與知與能聖人不知不能

三世諸佛不知有黧奴白牯却知有

鳶飛魚躍

猿抱子歸青嶂裏鳥啼花落碧巖前二十年只作境

會

技术

長寧單市志稿卷上

八

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

無聲無臭不睹不聞

莫向黑山鬼窟裏作活計如何是不睹不聞眼裏須彌山耳裏四大海如何是無聲無臭你喚甚麼作聲又喚甚麼作臭

在上在左右

問在上在左右莫是鬼神來否師云來來莫是鬼神不來否師云不來不來又道是體物不遺畢竟如何測量師云過去了也

君子時中小人無忌憚

問如何是君子時中師云爭奈何他如何是小人無

忌憚師云撥無因果

心意知

問心是第八識正心之心是第幾識師云是了別識說是了別卽不中間意是第七識誠意之意是第幾識師云是傳送識說是傳送卽不中識是第六識致知之知是第幾識師云是含藏識說是含藏卽不中

索隱行怪

問索隱行怪莫便是提婆宗否師云是問如何是中庸師云滅佛種性

所以行之者一也

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

問行之者一且問如何是一師云鎮州蘿葡

自誠明自明誠

問如何是自誠明師云龐公笊籬如何是自明誠師  
云清平木杓

其次致曲

問其次致曲如何是曲師云直罈侗

至誠如神

問至誠如神是五通是六通師云青天白日且莫見  
神見鬼

不二不測

問不二不測莫是一爲無量無量爲一麼師云須彌  
內芥卽且置如何是芥內須彌

三王百世

問考諸三王七佛以前作麼生師云李順王小二問  
百世以俟聖人樓至如來出世作麼生師云徐六益  
八郎

金育金行

問如何是萬物金育師云鷄寒鳴寒如何是道金行  
師云卯生月戌生日

大經大本

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

問如何是經綸大經師云嘉州打大象如何是立大  
本師云陝府灌鐵牛如何是知化育師云西河弄獅  
子

用極

問無所不用其極是皇極是太極師打一圓相中書  
卍字

物格

問物格格物有差別沒差別師云妙喜子韶兩個不  
啣嘴漢

有所

問有所之所是心所否師云說是也得問有所是質  
礙不在是落空爲甚麼有所却成不在師云只爲落  
空翻成質礙隨後喝一喝云聞麼以手招一招云見  
麼

西子不潔

問西子不潔莫是寶蓮香比丘尼否師云善星殃墮  
事有偶然又問惡人齋戒莫是廣額屠兒否師云龍  
女成佛不爲分外

動變化

問六種震動可是明則動否師云切忌回頭轉腦又

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

問十八變身上出火身下出水可是動則變否師云  
大家在這裏又問千百億化身如幻如化可是變則  
化否師云還我應身來

天下歸仁

問天下歸仁是明星悟道時見衆生佛性否師云是  
問爲甚麼衆生界不空師云空則阿誰成佛問正當  
成佛時如何師云無衆生界

參興倚衡

問立則見在輿則見是觀心否師云用妄想作麼

良知

問孩提知愛分明孰有愛根爲甚推爲性始師云望  
烟識火終不離水生水又問烟且不是火水且不是  
水莫非善惡混麼師云不見道五相雖具六識未行  
又問這裏落七落八了也恐不是第一義師云第一  
義你又作麼生知

形色天性

問旣形色卽是天性爲甚不許色見聲求師云古人  
道應化非真佛又問聖人踐形莫是八相成佛否師  
云金棺雙足是色身是法身

不謂性不謂命

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

問性也有命遺落形骸是耶師云木鷄芻狗着在這邊問命也有性於重道德是耶師云玉楫金車倒在那岸又問畢竟如何師云上座何不擇取性命

### 天地位萬物育

問如何是天地位焉師云頭在上脚在下問如何是萬物育焉師云鵠白烏玄松直棘曲進云太成現生師云欠着恁般這也却憑上座

### 杞柳湍水

問杞柳豈不是自生師云是又問湍水豈不是他生師云是又問生之謂性豈不是無因生師云是又問非是得已不已也是抑已而已

### 盡心知性

問覓心不得莫是盡其心否師云切忌墮空亡又問存養儼然要說空亡得麼師云不免弄精魂漢又問妖壽不二修身俟之生死到來這個定然不壞師云向你道莫弄精魂又問和尚作麼生師云我沒許多閒工夫和你說心說性

### 萬物皆備

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

問天地同根萬物一體豈不是肇法師語師云是進云反身而誠許學人得力否師云把纜放船抱橋柱洗澡進云強恕而行我道太迂遠也師云且恕你這一遭

惡惡臭好好色

問惡惡臭好好色莫是意識分別否師云是又問分別不分别是平等性智否師云是又問如何是獨師云無伴侶又問如何慎獨師云剝竿頭上仰蓮心重離

問如何是檀波羅蜜師云焚如死如棄如如何是尸

羅波羅蜜師云王用出征如何是辱提波羅蜜師云出涕沱若如何是毘黎耶波羅蜜師云大耋之嗟如何是禪那波羅蜜師云履錯然敬之如何是般若波羅蜜師云黃離元吉果然重離六爻不枉古人師云且莫癡人前說夢

羣龍無首

問如何是羣龍無首師云切忌露個尾巴

載鬼一車

問如何是載鬼一車師云平地上死人無數

天在山中

攝述

仙人記卷之二

四

卷之二

問天在山中莫是登妙高峰則四天王天反在下否  
師云須彌鼻孔幾多長

艮其背

問既是背何故非身師云青衣傳綵仗旣行庭何故  
無人師云金殿鎖春風

畫前易刪後詩

問如何是畫前有易師云拆拆單單如何是刪後無  
詩師云一送二寘

乾爲馬坤爲牛

問如何是乾爲馬師云爲玉爲金如何是坤爲牛師

云爲輿爲金情與無情是同是別師云同則一切總  
別別則一切總同

一陰一陽

問既是一陰一陽爲甚麼陽陰不測師伸一指云是  
多少

書不盡言言不盡意

問摩竭掩室毘耶杜口莫是不盡言不盡意否師云  
諸大菩薩卽且置奈四十九年何

帝出乎震

問帝出乎震是帝釋之帝是郊禘之帝師云觀世音

菩薩將錢來買胡餅爲甚麼却是饅頭

乾元坤元

問乾元坤元是一元是二元師云前劫後劫是一劫是兩劫

隰有荷華

問清淨寶蓮花爲甚麼風人出之則爲淫麗師云甲隰淤泥

鶴鳴九臯

問鶴鳴九臘聲聞於天是天耳所聞否師云上座莫不聞麼

明堂

問郊配天明堂配帝有兩耶師云毘盧即是釋迦釋迦不是彌勒

奠雁

問雁有夫婦蟻有君臣爲甚麼畜生都爲惡道師云會得則優樓瓶伽共演法音不會則牛馬人羊同遊苦趣

惠廸從逆

問惠廸吉從逆凶因果分明爲甚麼人都不信師云不見道闡提有佛性麼

西伯戡黎

問西伯戡黎是殺因是殺果師云帝釋與修羅戰是有爲是無爲

周公居東

問周公居東風雷告變爲是神通妙用爲是法爾如然師云雷從何出風自何來若見則法爾如然不見則神通妙用

李梅冬實

問九月楊花須是李梅冬實春秋何以紀異師云聞於未聞

鷁飛石墮

問石墮于宋六鷁退飛莫是一心法界否師云問取左丘明

豕人立而啼

方相氏

問玄戈驅鬼未免傷慈棘矢桃弧爲甚麼古人不廢師云塗車芻靈你還得他用麼問者擬議師云取狐矢來

酒漿醢脯

撰述

仙人禪師錄卷第一

問酒漿醯脯交于神明爲甚都緣不淨師云伊蘭叢  
裏討甚栴檀又云莫誇木父好

堯舜禹湯

問堯舜禹湯還出三界也無師云他不求出爲甚麼  
不出師云喚什麼作三界

老莊荀列

問老莊荀列一總是外道否師云釋迦老子是外道  
奴

躡足附耳

問古人躡足附耳是機用不是機用師云囊沙減竈

丘法有之

陸亘裴休

問佛法付與國王大臣陸亘裴休還承當此事否師  
云毘耶離國打破砂盆

伊川紫陽

問程朱之徒每斤佛老佛還受誇也無師云撥皂染  
虛空又云與他結一個緣也好



計本又云史記一時著出故

開元末之玄象九游方雖數變而猶無子諱字

母則其號

天皇耶轉國下如是者

開元去持興國王大聖皇帝百葉木實年當相事否

苗白妻朴

玄武古文

9 10 11 12 13 14 15 16 17 18 19 20 1 2 3 4 5 6 7 8 9 10 11 12 13 14 15 16 17 18 19 20

黒走

元治元年正月

十二終

